

大智度論卷第七十五

姑五

龍樹菩薩造

姚秦三藏法師鳩摩羅什譯

釋深與品第五十七之下

須菩提白佛言世尊菩薩摩訶薩用初心
得阿耨多羅第五三藐三菩提用後心得阿耨多
羅三藐三菩提是初心不至後心後心
不在初心世尊如是心心數法不俱云何善
根增益若善根不增云何當得阿耨多羅三
藐三菩提佛告須菩提我當爲汝說譬喻智

者得譬喻則於義易解須菩提譬如然燈爲
用初焰樵炷爲用後焰樵炷須菩提言世尊
非初焰樵炷亦非離初焰世尊非後焰樵炷
亦非離後焰須菩提於汝意云何炷爲樵不
世尊炷實樵佛告須菩提菩薩摩訶薩如是
不用初心得阿耨多羅三藐三菩提亦不離
初心得阿耨多羅三藐三菩提不用後心得
阿耨多羅三藐三菩提亦不離後心得阿耨
多羅三藐三菩提而得阿耨多羅三藐三菩
提須菩提是中菩薩摩訶薩從初發意行般

若波羅蜜具足十地得阿耨多羅三藐三菩提須菩提白佛言世尊何等是十地菩薩具足已得阿耨多羅三藐三菩提佛言菩薩摩訶薩具足乾慧地性地八人地見地薄地離欲地已作地辟支佛地菩薩地佛地具足是地得阿耨多羅三藐三菩提須菩提菩薩摩訶薩學是十地已非初心得阿耨多羅三藐三菩提亦不離初心得阿耨多羅三藐三菩提非後心得阿耨多羅三藐三菩提亦非離後心得阿耨多羅三藐三菩提而得阿耨多

羅三藐三菩提須菩提言世尊是因緣法甚深所謂非初心非離初心非後心非離後心得阿耨多羅三藐三菩提而得阿耨多羅三藐三菩提佛告須菩提於汝意云何若心滅已是心更生不不也世尊須菩提於汝意云何心生是滅相不世尊是滅相須菩提於汝意云何以心滅相是滅不不也世尊佛告須菩提於汝意云何亦如是住不須菩提言世尊亦如是住如如住佛告須菩提於汝意云何若是心如如住當作實際不不也世尊佛

告須菩提於汝意云何是如甚深不世尊甚
深甚深須菩提於汝意云何但如是心不不
也世尊離如是心不不也世尊須菩提於汝
意云何如見如不不也世尊須菩提於汝意
云何若菩薩能如是行爲行深般若波羅蜜
不須菩提言世尊若菩薩摩訶薩能如是行
爲行深般若波羅蜜須菩提於汝意云何菩
薩摩訶薩如是行爲何處行須菩提言世尊
是菩薩摩訶薩如是行爲第一義中行二相
不可得故須菩提於汝意云何若菩薩第一
義無念中行爲行相不不也世尊於汝意云

無如是念無念處無念者佛告須菩提若菩
薩摩訶薩如是行爲何處行須菩提言世尊
是菩薩摩訶薩如是行爲第一義中行二相
不可得故須菩提於汝意云何若菩薩第一
義無念中行爲行相不不也世尊於汝意云
何是菩薩摩訶薩壞相不不也世尊佛告須
菩提云何名不壞相須菩提言世尊是菩薩
站五摩訶薩行般若波羅蜜不作是念我當壞諸
法相世尊菩薩摩訶薩行般若波羅蜜未具
足佛十力四無所畏四無礙智大慈大悲十

八不共法不得阿耨多羅三藐三菩提世尊
菩薩摩訶薩以方便力故於諸法亦不取相

亦不壞相何以故世尊是菩薩摩訶薩知一

切諸法自相空故菩薩摩訶薩住是自相空
中爲衆生故入三三昧用三三昧成就衆生

須菩提言世尊云何菩薩摩訶薩入三三昧
成就衆生佛言菩薩住是三三昧見衆生作
法中行菩薩以方便力教令得無作見衆生
我相中行以方便力教令行空見衆生一切
相中行以方便力故教令行無相如是須菩

提菩薩摩訶薩行般若波羅蜜入三三昧以
三三昧成就衆生

論須菩提問佛以初心得無上道爲用後心
得者問曰須菩提何因緣故作是問難答曰
須菩提上聞諸法不增不減心自生疑若諸
法不增不減云何得無上道復次若以如實
正行得無上道唯佛能爾菩薩未斷無明等
煩惱云何能如實正行復次須菩提此中自
說難問因緣所謂初心不至後心後心不在
初心云何增益善根得無上道如是等因緣

故作是問以初心得後心得佛以深因緣法答所謂不但以初心得亦不離初心得所以者何若但以初心得不以後心者菩薩初發心便應是佛若無初心云何有第二第三心姑五第二第三心以初心爲根本因緣亦不但後四心亦不離後心者是後心亦不離初心若無初心則無後心初心集種種無量功德後心則具足具足故能斷煩惱習得無上道須菩提此中自說難因緣初後心數法不俱不俱者則過去已滅不得和合若無和合則善

根不集善根不集云何成無上道佛以現事譬喻答如燈炷非獨初焰燄亦不離初焰非獨後焰燄亦不離後焰而燈炷燄佛語須菩提汝目見炷燄非初非後而炷燄我亦以佛眼見菩薩得無上道不以初心得亦不離初心亦不以後心得亦不離後心而得無上道燈炷菩薩道炷喻無明等煩惱焰如初地相應智慧乃至金剛三昧相應智慧燄無明等煩惱炷亦非初心智焰亦非後心智焰而無明等煩惱炷燄盡得成無上道此中佛更解

得無上道因緣所謂菩薩從初發心來行般若波羅密具足初地乃至十地是十地皆佐助成無上道十地者乾慧地等乾慧地有二種一者聲聞二者菩薩聲聞人獨爲涅槃故勤精進持戒清淨堪任受道或智觀佛三昧五或不淨觀或行慈悲無常等觀分別集諸善薩位見地者初得聖果所謂須陀洹果於菩薩則是阿鞞跋致地薄地者或須陀洹或斯陀舍欲界九種煩惱分斷故於菩薩過阿鞞跋致地乃至未成佛斷諸煩惱餘氣亦薄離欲地者離欲界等貪欲諸煩惱是名阿那舍得道故名乾慧地於菩薩則初發心乃至未得順忍性地者聲聞人從煖法乃至世間第一法於菩薩得順忍愛著諸法實相亦不生

邪見得禪定水八人地者從苦法忍乃至道比忍是十五心於菩薩則是無生法忍入菩薩位見地者初得聖果所謂須陀洹果於菩薩則是阿鞞跋致地薄地者或須陀洹或斯陀舍欲界九種煩惱分斷故於菩薩過阿鞞跋致地乃至未成佛斷諸煩惱餘氣亦薄離欲地者離欲界等貪欲諸煩惱是名阿那舍得道故名乾慧地於菩薩則初發心乃至未得順忍性地者聲聞人從煖法乃至世間第一法於菩薩得順忍愛著諸法實相亦不生

世得少因緣出家亦觀深因緣法成道名辟支佛辟支迦秦言因緣亦名覺菩薩地者從乾慧地乃至離欲地如上說復次菩薩地從歡喜地乃至法雲地皆名菩薩地有人言從一發心來乃至金剛三昧名菩薩地佛地者一切種智等諸佛法菩薩於自地中得具足於地地中觀具足二事具故名具足問曰何以故不說菩薩似辟支佛地答曰餘地不說名字辟支佛地說辟支佛名字故復次菩薩能分別知衆生可以辟支佛因緣度者是故

菩薩以智慧行辟支佛事如首楞嚴經中文殊尸利七十二億反作辟支佛菩薩亦如是滿足九地修集佛法十力四無所畏等雖未具足以修習近佛故名具足以是故言十地具足故得無上道是諸法皆因緣和合故非初亦不離初非後亦不離後而得無上道須菩提尊重是法故歎言世尊是因緣法甚深所謂過去心不滅不住而能增益得無上道是事甚深希有難可信解此心爲住爲滅耶佛反問須菩提於汝意云何若心滅已更生

不者諸法雖畢竟空不生不滅爲衆生以六情所見生滅法故問心已滅更生不須菩提言不也世尊何以故心滅已云何當更生若心滅已更生則墮常中若心生是滅相不者上問過去心已今問現在心相當滅不是故答是滅相何以故生滅是相待法有生必有滅故先無今有已有還無故心滅相是滅不者若心滅相即是滅耶更有滅耶答言不也世尊何以故若是滅則一心有兩時生時滅時說無常者心不過一念時如阿毗曇經

說有生法有不生法有欲生法有不欲生法有滅法有不滅法有欲滅法有不欲滅法生法現在一心中有二種一者生二者欲滅生非欲滅相欲滅相非生是事不然故言不也當如是住不者若滅相非即是滅者應常住不若常住即是不滅相佛如是翻覆難須菩提理窮故作是念我若言滅相即是滅則一姑五心隨二時若言不滅實是滅相云何言不滅以上二理有過故須菩提自以所證智慧答世尊如是住如如住若是心如如住當作實

際不者若說心相同如住者如即是實際若爾者心可即作實際不須菩提言不也世尊何以故須菩提久尊重是實際心是虛誑法小乘智慧力少不能觀心即作實際是故言不也問曰若須菩提已說是心如何以不得作實際答曰如名一切法實相心實相亦名如須菩提心謂凡夫六情所見虛妄顛倒故有過今說心相如實無咎故言如如住今實際即是涅槃須菩提久貴涅槃故不能即以心爲涅槃是故言不也復次以實際無相

故不得言心即是實際是如甚深不者以須菩提言心如如住復言不得作實際是故問如甚深不須菩提不能遍知故答言甚深但如是心不須菩提答言不也世尊何以故如是一相不二相心憶想分別因緣生故是二相如無所知心有所知又復如畢竟清淨故無所知心有所覺知故離如心亦如是何以故一切法皆有如云何離如而有心佛問須菩提如能見如不答如中無分別是知是可知是菩薩不住如法性實際直行深菩薩道

佛問須菩提若如是行能行深般若波羅蜜
不須菩提自觀小乘淺薄觀大乘法深故答
言如是行是爲行深般若波羅蜜爾時有未
得無生法忍菩薩聞是法則心高自謂出小
乘深入大乘佛欲破其高心故問須菩提菩
薩如是行爲何處行須菩提言如是行爲無第五
處所行何以故菩薩住如中無所分別故善
菩薩聞無處所行或墮斷滅中是故佛復問須
菩提菩薩行般若爲何處行須菩提言第一
義中行第一義相者無有二相佛語須菩提

於汝意云何若菩薩無念行第一義是行取
相法不須菩提言不也世尊何以故一切法
畢竟空無憶念即不行相佛問須菩提是菩
薩壞相得無相不須菩提言不也相從本已
來無但爲除顛倒故不壞法相佛語須菩提
若不壞相云何行無相行須菩提言世尊菩
薩不作是念我當破相故行般若是菩薩未
具足佛十力等諸佛法以方便力故不作有
相不作無相何以故若取相是相皆虛妄
語有諸過失若破相則墮斷滅中亦多過失

是故不取有相不取無相取相即是有法不取相即是無法方便力故離是有無二邊行於中道此中佛自說因緣所謂知一切法自性空故不著有無自相空破一切法相亦自破其相菩薩住是自相空中起三昧利益

九
六三

衆生衆生於六道中種種作願受身有人不攝心不能修福自放恣隨意造業若墮地獄臨死時冷風逼切則願欲得火便入地獄等三惡道若得爲人貧窮下賤有人攝心能折伏慳貪行布施持戒等善行是人生欲界人

天中富樂處有人離欲界除五蓋因信等五根得五支等諸禪則生色界有人捨諸色相滅有對相不念雜相故入無邊虛空處無色定等是諸所作皆是邪願何以故久久皆當破壞墮落譬如以繩繫鳥繩盡復還菩薩以是無作三昧斷衆生作願又復是身皆空但有筋骨五藏血塗皮裏不淨充滿風隨心動作是心生滅不住如幻如化無定實相衆生見是來去語言諸相故謂有人有我有我所起顛倒心但憶想分別故有是錯謬菩薩以

空三昧斷衆生我我所心令住空中又復衆

生取諸男女色聲香味好醜脩短相以取相

故生種種煩惱受諸憂苦菩薩以是無相三昧斷衆生諸相令住無相問曰若教化衆生令得空便足何用無相無作三昧答曰衆生

根有利鈍利根者聞空即得無相無作鈍根者聞空破諸法即取空相是故說無相若人雖知空無相因是智慧更欲作身是有爲法有種種過患是故不應作身如經說離菩薩身餘身彈指頃不可樂何況久住是故說無

作是以是以緣故具說三三昧教化衆生

釋夢行品第五十八

爾時舍利弗問須菩提若菩薩摩訶薩夢中入三三昧空無相無作三昧寧有益於般若波羅蜜不須菩提報舍利弗若菩薩晝日

站五

入三三昧有益於般若波羅蜜夜夢中亦當

有益何以故晝夜夢中等無異舍利弗若菩薩摩訶薩晝日行般若波羅蜜有益是菩薩

夢中行般若波羅蜜亦應有益舍利弗問須菩提菩薩摩訶薩若夢中所作業是業有集

成不如佛說一切法如夢以是故不應集成
何以故夢中無有法集成若覺時憶想分別
應有集成須菩提語舍利弗若人夢中殺衆
生覺已憶念取相分別我殺是快耶舍利弗
是事云何舍利弗言無緣業不生無緣思不
生有緣業生有緣思生舍利弗如是如是無
緣業不生無緣思不生有緣業生有緣思生
於見聞覺知法中心生不從不見聞覺知法
中心生是中心有淨有垢以是故舍利弗有
緣故業生不從無緣生有緣思生不從無緣

生舍利弗語須菩提如佛說一切諸業諸思
自相離云何言有緣故業生無緣不生有緣
故思生無緣思不生須菩提語舍利弗取相
故有緣業生不從無緣生取相故有緣思生
不從無緣生舍利弗語須菩提若菩薩摩訶
薩夢中布施持戒忍辱精進禪定修智慧是
姑五
善根福德迴向阿耨多羅三藐三菩提是實
迴向不須菩提語舍利弗彌勒菩薩今現在
前佛授不退轉記當作佛當問彌勒彌勒當
答舍利弗白彌勒菩薩須菩提言彌勒菩薩

今現在前佛授不退轉記當作佛彌勒當答
彌勒菩薩語舍利弗當以彌勒名答耶若色
受想行識答耶若色空答耶若受想行識空
答耶是色不能答受想行識不能答色空不
能答受想行識空不能答我不見是法可答
不見能答者我不見是人受記亦不見法可
受記者亦不見受記處是一切法皆無二無
別舍利弗語彌勒菩薩如仁者所說如是爲
得法作證不彌勒答舍利弗如我所說法如
是不證爾時舍利弗作是念彌勒菩薩智慧

甚深久行檀波羅蜜尸羅波羅蜜羼提波羅
蜜毗梨耶波羅蜜禪波羅蜜般若波羅蜜用
無所得故能如是說爾時佛告舍利弗於汝
意云何汝用是法得阿羅漢見是法不舍利
弗言不見也舍利弗菩薩摩訶薩行般若波
羅蜜亦如是不作是念是法當得受記是法
已受記是法當得阿耨多羅三藐三菩提如
是舍利弗菩薩摩訶薩行般若波羅蜜不疑
我若得若不得自知實得阿耨多羅三藐三
菩提

論問曰舍利弗何以以夢難菩薩三三昧答曰以夢虛誑如狂非實見故是三三昧是實法又復餘處說夢中亦有三種善不善無記若菩薩善心行三三昧應得福德然夢是狂礙法不應於中行實法得果報若有實法不名爲夢以是故問若菩薩夢中行三三昧增益般若波羅蜜福德集善根近佛道不須菩提意若言有益夢是虛誑般若是實法云何得增益若言無益夢中有善云何無益不得答言有益無益是故須菩提離此二邊難故

以諸法實相益尚破晝日所行何況夢中作是言舍利弗菩薩若晝日行般若有益者夜亦應有益而晝日無益故何況夢中何以故般若波羅蜜不分別有晝夜舍利弗聞須菩提所說既知般若無增無減不應復難今更因餘事問夢中須菩提若夢中所作業是業有集成者是業實集能成果報不是業若有實佛常說一切法空如夢不應得集成何以故是夢心微弱故不能集成晝日微弱心尚不能集成何況夢中若覺已分別夢中生善

不善心是應集成須菩提語舍利弗如人夢中殺人覺已分別我殺是快耶舍利弗是業云何爲集成不舍利弗語須菩提一切業若畫若夢皆從因緣生無因緣則不生須菩提可真言如是業有因緣生無因緣不生思有因緣生無因緣^{第十五}不生業者身口業思者但意業思是真業身口業爲恩故名爲業是三業因四種法若見若聞若覺若知因此四種則心生是心隨因緣生或淨或不淨不淨罪業淨福業是故若夢中所見皆因先見聞覺知

夢中所作善惡爲眠覆心不自在故無有勢力不能集成果報若是業得覺時善惡心和合故能助成果報須菩提意謂夢中業實有集成何以故有因緣起故畫日心夢中心無異所以者何皆因四種生故舍利弗以空難須菩提如佛說一切諸業自相離汝云何定說諸業有因緣生無因緣不生須菩提答諸法雖空遠離相而凡夫取相有緣故業生若不取相無因緣則不生是故一切業皆從取相因緣生故有畫日夢中無異舍利弗復問

若菩薩夢中行六波羅密迴向無上道是寶
迴向不舍利弗難若夢中晝日無異者是夢
中迴向應當是實又復若晝日著心取相不
名爲迴向何況眠睡覆心須菩提以此二難
深難答故語舍利弗當問彌勒問曰彌勒何
以但說空而不答答曰是二大弟子爲利益
菩薩故分別覺夢若同若異以佛常說一切
法如夢故若晝日行道夢中亦應行道彌勒
知見二人各有所執不能通達是故彌勒不
答復有人言彌勒以是空答舍利弗問彌勒

如所說空以此爲證不含利弗意若以此法
爲證即欲生難云何爲證若不證汝自不得
不知云何能說彌勒意汝以涅槃爲證我以
涅槃亦空無所得故不證有人言彌勒未具
足佛法故說言不證菩薩法應知空無相無
作法不應證爾時舍利弗作是念彌勒菩薩
廿五其智甚深能如是說能知涅槃相而不取證
十四是名甚深此中舍利弗自說因緣久行六波
羅密故其智甚深舍利弗意彌勒次當作佛
應當能答而今不答是故佛還問舍利弗於

汝意云何汝見用是法得阿羅漢不含利弗
言不見何以故是法空無相無作云何得見
若見即是相肉眼天眼分別取相故不應
見慧眼無分別相故亦不見以是故言不見
佛言菩薩摩訶薩亦知是得無生忍時不作
是言見是法得受記當得無上道雖不作是
見亦不生疑我不得無上道如汝雖不見法
亦不疑我成阿羅漢不成阿羅漢

經 佛告須菩提有菩薩摩訶薩行檀波羅蜜
時若見衆生飢寒凍餓衣服弊壞菩薩當作

是願我隨爾所時行檀波羅蜜我得阿耨多
羅三藐三菩提時令我國土衆生無如是事
衣服飲食資生之具當如四天王天三十三
天夜摩天兜率陀天化樂天他化自在天須
菩提菩薩摩訶薩作如是行能具足檀波羅
蜜近阿耨多羅三藐三菩提復次須菩提菩
薩摩訶薩行尸羅波羅蜜時見衆生殺生乃
至邪見短壽多病顏色不好無有威德貧乏
財物生下賤家形殘醜陋當作是願我隨爾
所時行尸羅波羅蜜如我得佛時令我國土

卷五

十五

衆生無如是事須菩提菩薩摩訶薩作如是行能具足尸羅波羅蜜近阿耨多羅三藐三菩提復次須菩提菩薩摩訶薩行羼提波羅蜜時見諸衆生互相瞋恚罵詈刀杖瓦石共相殘害奪命當作是願我隨爾所時行羼提波羅蜜令我國土衆生無如是事相視如父如母如兄如弟如姊如妹如善知識皆行慈悲須菩提菩薩摩訶薩作如是行能具足羼提波羅蜜近阿耨多羅三藐三菩提復次須菩提菩薩摩訶薩行毗梨耶波羅蜜時見衆生爲五蓋所覆姪欲瞋恚睡眠掉悔疑失於初禪乃至第四禪失慈悲喜捨虛空處識處無所有處非有想非無想處當作是

生懈怠不勤精進棄捨三乘聲聞辟支佛佛乘當作是願我隨爾所時行毗梨耶波羅蜜如我得阿耨多羅三藐三菩提時令我國土衆生無如是事一切衆生勤修精進於三乘道各得度脫須菩提菩薩摩訶薩作如是行能具足毗梨耶波羅蜜近阿耨多羅三藐三菩提復次須菩提菩薩摩訶薩行禪波羅蜜時見衆生爲五蓋所覆姪欲瞋恚睡眠掉悔疑失於初禪乃至第四禪失慈悲喜捨虛空處識處無所有處非有想非無想處當作是

願我隨爾所時行禪波羅蜜如我得阿耨多羅三藐三菩提時令我國土衆生無如是事須菩提菩薩摩訶薩作如是行能具足禪波羅密近阿耨多羅三藐三菩提復次須菩提菩薩摩訶薩行般若波羅蜜時見衆生愚癡^{姑五}菩薩摩訶薩行般若波羅蜜時見衆生愚癡^{十六}失世間出世間正見或說無業無業因緣或說神常或說斷滅或說無所有當作是願我隨爾所時行般若波羅蜜淨佛世界成就衆生如我得阿耨多羅三藐三菩提時令我國土衆生無如是事須菩提菩薩摩訶薩作如

是行能具足般若波羅蜜近一切種智復次須菩提菩薩摩訶薩行六波羅蜜時見衆生住於三聚一者必正聚二者必邪聚三者不定聚當作是願我隨爾所時行六波羅蜜淨佛世界成就衆生我得佛時令我國土衆生無邪聚乃至無其名須菩提菩薩摩訶薩作如是行能具足六波羅蜜近一切種智復次須菩提菩薩摩訶薩行六波羅蜜時見地獄中衆生畜生餓鬼中衆生當作是願我隨爾所時行六波羅蜜淨佛世界成就衆生我得

佛時令我國土中乃至無三惡道名須菩提
菩薩摩訶薩作如是行能具足六波羅蜜近
一切種智復次須菩提菩薩摩訶薩行六波
羅蜜時見是大地株杌荆棘山陵溝坑穢惡
之處當作是願我隨爾所時行六波羅蜜淨
姑五
佛世界成就衆生我作佛時令我國土無如
是惡地平如掌須菩提菩薩摩訶薩作如是
行能具足六波羅蜜近一切種智復次須菩
提菩薩摩訶薩行六波羅蜜時見是大地純
土無有金銀珍寶當作是願我隨爾所時行

六波羅蜜淨佛世界成就衆生我作佛時令
我國土以金沙布地須菩提菩薩摩訶薩作
如是行能具足六波羅蜜近一切種智復次
須菩提菩薩摩訶薩行六波羅蜜時見衆生
有所戀著當作是願我隨爾所時行六波羅
蜜淨佛世界成就衆生我作佛時令我國土
衆生無所戀著須菩提菩薩摩訶薩作如是
行能具足六波羅蜜近阿耨多羅三藐三菩
提復次須菩提菩薩摩訶薩行六波羅蜜時
見四姓衆生刹帝利婆羅門鞞舍首陀羅當

作是願我隨爾所時行六波羅蜜淨佛世界
成就衆生我作佛時令我國土衆生無四姓
之名須菩提薩摩訶薩作如是行能具足
六波羅蜜近阿耨多羅三藐三菩提復次須
菩提薩摩訶薩行六波羅蜜時見衆生有
下中上生下中上家當作是願我隨爾所時
行六波羅蜜淨佛世界成就衆生我作佛時
令我國土衆生無如是優劣須菩提薩摩
訶薩作如是行能具足六波羅蜜近一切種
智復次須菩提薩摩訶薩行六波羅蜜時

見衆生種種別異色當作是願我隨爾所時
行六波羅蜜淨佛世界成就衆生我作佛時
令我國土衆生無種種別異色一切衆生皆
端正淨潔妙色成就須菩提薩摩訶薩作
如是行能具足六波羅蜜近一切種智復次
須菩提薩摩訶薩行六波羅蜜時見衆生
有主當作是願我隨爾所時行六波羅蜜淨
佛世界成就衆生我作佛時令我國土衆生
無有主名乃至無異形像除佛法王須菩提
薩摩訶薩作如是行能具足六波羅蜜近

一切種智復次須菩提薩摩訶薩行六波羅蜜時見衆生有六道別異當作是願我隨爾所時行六波羅蜜淨佛世界成就衆生我作佛時令我國土衆生無六道之名是地獄是畜生是餓鬼是神是天是人一切衆生皆同一業修四念處乃至八聖道分須菩提薩摩訶薩作如是行能具足六波羅蜜近一切種智復次須菩提薩摩訶薩行六波羅蜜時見衆生無五神通當作是願我隨爾所時行六波羅蜜淨

佛世界成就衆生我作佛時令我國土衆生一切皆得五神通乃至近一切種智復次須菩提薩摩訶薩行六波羅蜜時見衆生有大小便患當作是願我作佛時令我國土衆生皆以歡喜爲食無有便利之患乃至近一

功德智復次須菩提薩摩訶薩行六波羅蜜時見衆生無有光明乃至近一切種智復次須菩衆生皆有光明乃至近一切種智復次須菩提薩摩訶薩行六波羅蜜時見有日月時節歲數當作是願我作佛時令我國土中無有日月時節歲數之名乃至近一切種智復次須菩提薩摩訶薩行六波羅蜜時見衆生短命當作是願我作佛時令我國土中衆生壽命無量劫乃至近一切種智復次須菩提薩摩訶薩行六波羅蜜時見衆生無有

相好當作是願我作佛時令我國土中衆生皆有三十二相成就乃至近一切種智復次須菩提薩摩訶薩行六波羅蜜時見衆生離諸善根當作是願我作佛時令我國土中衆生諸善根成就以是福德能供養諸佛乃至近一切種智復次須菩提薩摩訶薩行六波羅蜜時見衆生有三毒四病當作是願我作佛時令我國土中衆生風病三種雜病及三毒病乃至近一切種智復次須菩提薩摩訶薩行六波羅蜜時見

衆生有三乘當作是願我作佛時令我國土
中衆生無二乘之名純一大乘乃至近一切
種智復次須菩提薩摩訶薩行六波羅蜜
廿五
時衆生有增上慢當作是願我作佛時令
我國土中衆生無增上慢之名乃至近一切
種智復次須菩提薩摩訶薩行六波羅蜜
二十一
時應作是願若我光明壽命有量僧數有限
當作是願若我光明壽命無量僧數無限
生我作佛時令我光明壽命無量僧數無限
乃至近一切種智復次須菩提薩摩訶薩

行六波羅蜜時應作是願若我國土有量當
作是願我隨爾所時行六波羅蜜淨佛世界
成就衆生我作佛時令我一國土如恒河沙
等諸佛世界須菩提薩摩訶薩作如是行
能具足六波羅蜜近一切種智復次須菩提
薩摩訶薩行六波羅蜜時當作是念雖生
菩薩摩訶薩行六波羅蜜時當作是念雖生
死道長衆生性多爾時應如是正憶念生死
邊如虛空衆生性邊亦如虛空是中實無生
死往來亦無解脫者菩薩摩訶薩作如是行
能具足六波羅蜜近一切種智

論曰有何次第故說菩薩見衆生飢寒凍
餓等答曰菩薩過聲聞辟支佛地得無生法
忍受記更無餘事唯行淨佛世界成就衆生
今說淨佛世界因緣見不淨世界相願我國
廿五土無如是事是故次第說是事菩薩行檀波
羅蜜時若見衆生飢渴衣服弊壞即作念言
我福德智慧未成就不能給足衆生所須若
我但行慈悲心則於衆生無益我當爾所時
深行三種福德住三種福德中能令貧窮衆
生皆得滿足若作轉輪聖王若作天王若作

神通聖人則能多引導衆生破其憍貪今住
布施以是衆生布施乃至菩薩布施因緣故
後成佛時國土中無有貧窮者心生隨意所
得如欲界第六天所有諸物菩薩如是隨爾
所時積集檀波羅蜜功德故充滿一切何以
故一切有爲法屬因緣行善因緣具足故皆
應隨意得果報復次衆生破尸羅波羅蜜因
緣故短命多病無有威德等菩薩作是願我
自具足持戒亦教衆生令持戒餘殘諸願亦
如是隨義分別最後願義不明了今當略說

菩薩作如上願已疲厭心起佛道無量無數
阿僧祇劫行諸功德然後可得但一劫歲數
不可得數故佛以譬喻示人何況無量無邊
阿僧祇劫經此生死受諸苦惱衆生亦無量
無邊非可譬喻等數所及但如三十六千世
界中微塵等衆生猶尚難度何況十方無量

世界微塵等衆生而可得度以是事故或心
生退沒是名邪憶念是故佛教是菩薩正憶
念生死雖長是事皆空如虛空如夢中所見
非實長遠不應生厭心又未來世亦是一念
所緣亦非長遠復次菩薩無量福德智慧力
故能超無量劫如是種種因緣故不應生厭
心此中佛說大因緣所謂生死如虛空衆生
亦如是衆生雖多亦無定實衆生如衆生無
量無邊佛智慧亦無量無邊度亦不難是故
廿五
菩薩不應生疲厭心

釋河天品第五十九

經作恒伽
提婆品

爾時有一女人字恒伽提婆在衆中坐是
女人從座起偏袒右肩右膝著地合手白佛
言世尊我當行六波羅蜜取淨佛世界如般

若波羅密中所說我盡當行是時女人以金銀華及水陸生華種種莊嚴供養之具金縷織成疋兩張以散佛上散已於佛頂上虛空中化成四柱寶臺端正嚴好是女人持是功德與一切衆生共之迴向阿耨多羅三藐三菩提爾時世尊知是女人深心因緣即時微笑如諸佛法種種色光從口中出青黃赤白紅縹遍照十方無量無邊佛國還遶佛三匝從頂上入爾時阿難從座起右膝著地合掌白佛佛何因緣微笑諸佛法不以無因緣而

笑佛告阿難是恒伽提婆姊未來世中當作佛劫名星宿佛號金華阿難是女人畢女身受男子形當生阿閻佛阿毗羅提國土於彼淨修梵行阿難是菩薩在彼國土亦號金華是金華菩薩於彼壽終復至他方佛國從一佛國至一佛國不離諸佛譬如轉輪聖王從一觀至一觀從生至終足不蹈地阿難是金華菩薩摩訶薩亦如是從一佛國至一佛國乃至阿耨多羅三藐三菩提未嘗不見佛時阿難作是念言是金華菩薩摩訶薩後作佛

時諸菩薩摩訶薩會當知爲如佛會佛知阿難意所念告阿難言如是如是金華佛時菩薩摩訶薩會當知爲如佛會阿難是金華佛比丘僧無量無邊不可數不可數若干百千萬億那由他阿難是金華菩薩作佛時其國土無有是諸衆惡如上所說阿難白佛言世尊是女人從何處植德本種善根佛告阿難是女從然燈佛種善根初發阿耨多羅三藐三菩提心以是功德迴向阿耨多羅三藐三菩提亦以金華散然燈佛上求阿耨多羅三藐三

三菩提阿難如我爾時以五華散然燈佛上求阿耨多羅三藐三菩提然燈佛知我善根成就與我授阿耨多羅三藐三菩提記是女人聞我授記發心言我當來世亦如是菩薩得受阿耨多羅三藐三菩提記阿難當知是女人於然燈佛初發心阿難白佛言世尊是女人久習行阿耨多羅三藐三菩提佛言如是如是是女人久習行阿耨多羅三藐三菩提

論問曰如是大衆聞說淨國土行何以但一

女人取淨國土願答曰多有發淨國土願者但不發言女人性輕躁好勝世世習氣故發言復次有人言女人有得道分餘人無分佛法不然隨衆生業因緣譬如良藥療治諸病不擇貴賤雖復女人淺智而先世業因緣應得授記心生欲說故佛聽自說復次若佛嘿然與授記者人則生疑有何因緣故獨與此女授記是故佛因其自說故而與授記問曰何以名爲恒伽提婆答曰一切皆有名字爲識故何足求義有人言是女人父母供養恒

伽神得此女故言恒伽提婆恒伽是河名提婆名天是女人福德因緣生於富家聞佛法信樂故能以金銀寶華金縷織成上下衣并莊嚴自身瓔珞具用供養上佛佛報以授記觀是女人宿世所行便微笑微笑義如先說此中小因緣而起大事故佛微笑問曰是女福德應久轉女人何以方於阿閦佛國乃轉女身答曰世間五欲難斷女人著欲情多故雖世世行諸福德不能得男子身今得授記諸煩惱折薄是故於阿閦佛國方得男子身

有人言此女宿世以人多輕女人故願女身受記如是等因緣不轉女身而得受記復次經說女人五礙不說不得受記是故不應生

難阿難聞是女人無量劫中從一佛國至一

佛國廣集功德當來得淨佛世界其中菩薩

皆有三十二相八十種隨形好無量光明是

故阿難歎未曾有能如是淨國土便爲如佛

會佛可其言已阿難等疑此女人希有聞少

法而得大果報是故阿難問是女人從何處

殖諸德本佛答錠光佛授我記時是女人持

金華散佛彼作是願此人後成佛時亦當授與我記從彼種善根今得果報

大智度論卷第七十五

音釋

焦	茲	消	炷	之	戍	齕	覆	翻	手	袁	切	繩	食	陵	切
筋	𦗔	舉	伏	切	骨	絡	也	凍	多	貢	切	弊	毗	祭	切
𦗔	𦗔	力	置	切	馬	旁	及	冰	凍	也	切	罵	詈	駕	切
𦗔	𦗔	徒	協	切	日	署	株	陟	輪	敗	也	也	也	也	也
𦗔	𦗔	毛	布	也	𦗔	木	根	也	坑	也	也	纓	也	也	也

燈光初云
佛即六無
也然切動

間蹈徒到切躁則到切心
躁也則不靜也 錠徒
切錠徑